



**Bihać, 31.01.2020. godine**

## **KANTONALNOM SUDU U BIHAĆU**

**- Sudiji za prethodno saslušanje -**

Na osnovu čl. 45 st. 2 tačka i) i čl. 241 st. 1 Zakona o krivičnom postupku F BiH („Službene novine F BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 – u daljem tekstu ZKP F BiH), **p o d i ž e m:**

### **OPTUŽNICU**

#### **PROTIV:**

- 1. MEŠIĆ HAMDO**, rođen 1961. godine, stalno nastanjen u Bihaću,
- 2. NEFIĆ AMIR**, rođen 1960. godine, stalno nastanjen u Bihaću,
- 3. FATKIĆ RIFET**, rođen 1948. godine, stalno nastanjen u Bihaću,
- 4. KOHNIĆ NAZIF**, rođen 1963. godine, stalno nastanjen u Bihaću,
- 5. Pravna osoba "GP-Plan" d.o.o. Bihać**, sa sjedištem u Bihaću,

**Zbog postojanja osnovane sumnje**

#### **DA SU**

#### **I.**

Krajem decembra 2009. godine, u toku 2010. i 2011. godine u Bihaću, Mešić Hamdo kao osnivač i odgovorna osoba – direktor "GP-PLAN" d.o.o. Bihać, u namjeri da privrednom društvu čiji je osnivač i direktor pribavi imovinsku korist, udružio i rukovodio organiziranom grupom ljudi formiranom u smislu člana 2. tačka 17 Krivičnog zakona Federacije BiH, koja nije nastala spontano kako bi počinili više krivičnih djela, kojoj su kao pripadnici grupe pristupili Nefić Amir kao odgovorna osoba – direktor "AQUA PROJEKT" d.o.o. Bihać, Fatkić Rifet kao službena osoba – direktor JU Osnovna škola "Brekovica" te Kohnić Nazif kao službena osoba – direktor JU Osnovna škola "Brekovica", radi vršenja krivičnih djela Udruživanje radi činjenja krivičnih djela, Zloupotreba položaja ili ovlaštenja i Krivotvorenje službene isprave, a sve u namjeri da se privrednom društvu "GP-PLAN" d.o.o. Bihać bez osnova isplati protupravna imovinska korist u iznosu od 105.056,69 KM, i u tom smislu, Mešić Hamdo

kao direktor d.o.o. "GP-PLAN" iz Bihaća-izvođač radova je dana 30.12.2009. godine zaključio ugovor o izvođenju radova na izgradnji fiskulturne dvorane JU Osnovna škola "Brekovica" u Bihaću sa investitorom JU Osnovna škola "Brekovica" Bihać koju je zastupao direktor Rifet Fatkić, te su zaključili i aneks ugovora o izvođenju radova broj 111/09 od 15.04.2010. godine, a zatim zaključili drugi ugovor o izvođenju radova na izgradnji fiskulturne dvorane "Brekovica" u Bihaću od 03.09.2010. godine, te Nefić Amir kao odgovorna osoba – direktor u "AQUA PROJEKT" d.o.o. Bihać, kao nadzorni organ, unatoč tome što su svi bili svjesni i znali da se izvođenju građevinskih radova može pristupiti samo na osnovu pravosnažnog odobrenja za građenjem, suprotno članu 33. Zakona o građenju (*Sl. glasnik USK broj 6/05 i 22/07*) i suprotno članu 106. Zakona o prostornom uređenju i građenju, (*Sl. glasnik USK broj 10/11, 13/11 i 19/11*) bez dobivenog odobrenja od nadležnog Općinskog organa u Bihaću, GP plan d.o.o. Bihać, kao izvođač radova je pristupio izvođenju građevinskih radova na navedenom građevinskom objektu, te djelimično i na pojedinim fazama izvodio radove, pa su Mešić Hamdo i Nefić Amir kao odgovorne osobe u privrednim društvima koje su zastupali, a Fatkić Rifet i Kohnić Nazif kao službene osobe u JU osnovna škola „Brekovica“, znajući da radovi nisu izvršeni u skladu sa Glavnim projektom i zaključenim Ugovorima o izvođenju građevinskih radova, zajedničkim radnjama, svako iz svoje nadležnosti, koristeći službene položaje u privrednim društvima "GP-PLAN" d.o.o. Bihać i JU Osnovna škola "Brekovica" Bihać i "AQUA PROJEKT" d.o.o. Bihać, neistinitim prikazivanjem podataka u službenim ispravama, u kojima su unosili neistinite podatke o obimu izvršenih radova (betonski, betonsko – armirani, zidarski i drugi radovi), ugradnja proizvoda i opreme (bravarski i vodoinstalaterski radovi), a kojim radnjama je Mešić Hamdo kao odgovorna osoba u „GP-Plan“ d.o.o. Bihać protivpravno postupao, a da Upravna i nadzorna tijela privrednog društva „GP-Plan“ d.o.o. Bihać nisu vršila nadzor na zakonitošću rada u ovom privrednom društvu i na takav način su omogućili realizaciju namjere da drugom pribave imovinsku koristi, pa su na štetu budžeta Unsko-sanskog kantona, a temeljem krivotvorenih dokumenata pravnom licu "GP-PLAN" d.o.o. Bihać pribavili korist u iznosu od 105.056,69 KM, a isti radovi u navedenoj vrijednosti nisu izvedeni do dana podizanja optužnice.

## **II. MEŠIĆ HAMDO, NEFIĆ AMIR i FATKIĆ RIFET**

Krajem decembra 2009. godine, zatim tokom 2010. godine u Bihaću, temeljem zaključenih Ugovora o izvođenju radova na izgradnji sportske dvorane JU Osnovna škola "Brekovica" od 30.12.2009.godine i 03.09.2010.godine, i aneksa ugovora od 15.04.2010.godine zaključenih između investitora - JU Osnovna škola "Brekovica" kojeg je zastupao direktor Fatkić Rifet (od 26.10.2008 do 03.10.2011. godine obavljao dužnost direktora) i "GP-PLAN" d.o.o. Bihać kao izvođača radova kojeg je zastupao direktor Mešić Hamdo, te na osnovu Ugovora o nadzoru zaključenom sa „AQUA PROJEKT“ d.o.o. Bihać kojeg je zastupao direktor Nefić Amir, u namjeri da privrednom društvu "GP-PLAN" d.o.o. Bihać pribavi imovinsku korist, Mešić Hamdo, Nefić Amir kao odgovorne osobe u privrednom društvu kojeg su zastupali i Fatkić Rifet kao službena osoba JU osnovna škola „Brekovica“, znajući da bez odobrenja za građenje, ne mogu pristupiti izvođenju građevinskih radova, suprotno članu 33.

Zakona o građenju (*Sl. glasnik USK broj 6/05 i 22/07*), bez odobrenja za građenje nadležnog Općinskog organa u Bihaću, pristupili izvođenju radova, a nakon djelimično izvedenih građevinskih radova, suprotno Glavnom projektu i ugovorima o izvođenju građevinskih radova, te koristeći službeni položaj u cilju pribavljanja imovinske koristi za "GP-PLAN" d.o.o. Bihać, Mešić Hamdo kao odgovorna osoba, **sačinio službenu ispravu, Prvu privremenu situaciju broj protokola 129 od 09.04.2010. godine i Prvu privremenu situaciju broj 1/10 br. 584/2010 od 25.10.2010. godine i Okončanu situaciju broj protokola 500/10 od 05.09.2010. godine**, prikazujući da su radovi izvršeni zaključno sa oktobrom 2010. godine na objektu sportske dvorane JU Osnovna škola "Brekovica", unoseći u iste neistinite podatke o izvršenim radovima u vidu izvedeni betonski, zidarski, vodoinstalaterski, bravarski radovi i postavljene krovne konstrukcije kao najskuplje stavke, te bez osnova uvećao vrijednost izvedenih radova u iznosu od 89.620,79 KM i svojim potpisom i službenim pečatom **navedene isprave ovjerio**, a zatim svjestan funkcija koju je vršio Nefić Amir i Fatkić Rifet, dogovorio sa Nefić Amirom kao odgovornom osobom – direktorom "AQUA PROJEKT" d.o.o. Bihać i **nadzornim organom** nad izvođenjem radova na izgradnji sportske dvorane JU Osnovna škola "Brekovica" da ovjeri i potpiše ove isprave (**Prvu privremenu situaciju broj protokola 129 od 09.04.2010. godine i Prvu privremenu situaciju broj 1/10 br. 584/2010 od 25.10.2010. godine i Okončanu situaciju broj protokola 500/10 od 05.09.2010. godine**), **iako je Nefić Amir bio svjestan i znao kao nadzorni organ**, da nije obezbjedio kvalitet radova i ugradnju proizvoda i opreme u skladu sa Glavnim projektom i u skladu sa Ugovorima o izvođenju građevinskih radova, i da betonsko – armirani, zidarski, izolaterski i krovna konstrukcija, kao radovi nisu izvedeni u skladu kako se prikazalo u navedenim ispravama, **pa je kao ovlašteni i imenovani nadzorni organ**, koristeći službeni položaj, a u cilju pribavljanja koristi za "GP-PLAN" d.o.o. Bihać, službene isprave **Prvu privremenu situaciju broj protokola 129 od 09.04.2010. godine i Prvu privremenu situaciju 1/10 br. 584/2010 od 25.10.2010. godine, te Okončanu situaciju broj protokola 500/10 od 05.09.2010. godine** na građevinskom objektu sportske dvorane JU Osnovna škola "Brekovica", sa neistinitim podacima **ovjerio i potpisao**, a kojim radnjama Nefić Amir kao nadzorni organ, je omogućio da Mešić Hamdo kao odgovorna osoba "GP-PLAN" d.o.o. Bihać protivpravno postupa, a da Upravna i nadzorna tijela privrednog društva "GP-PLAN" d.o.o. Bihać ne vrše nadzor nad zakonitošću rada u ovom privrednom društvu, pa su ovakvim protivpravnim radnjama, Mešić Hamdo i Nefić Amir dogovorili sa Fatkić Rifetom, da on korištenjem svog službenog položaja i ovlasti u funkciji direktora JU Osnovna škola "Brekovica", krivotvorene službene isprave, Prvu privremenu situaciju broj protokola 129 od 09.04.2010. godine i Prvu privremenu situaciju 1/10 br. 584/2010 od 25.10.2010. godine, te Okončanu situaciju broj protokola 500/10 od 05.09.2010. godine, **prihvati i preuzme**, pa Fatkić Rifet, iako svjestan da građevinski radovi po ovim krivotvorenim službenim ispravama, nisu izvedeni u obimu, sadržaju i strukturi kako je navedeno u ovim ispravama, a posebno znajući da nisu izvedeni betonski, zidarski, vodoinstalaterski, bravarski radovi, niti je postavljena krovna konstrukcija kao najskuplja stavka, te znajući i svjestan da su radovi bez osnova uvećani za 89.620,79 KM, i da navedeni radovi neće biti izvršeni, zbog nepoštivanja rokova i načina kako su radove izvodili, koristeći službeni položaj ovjerio i potpisao službenu ispravu – Obrazac broj 2. sa brojem protokola 266/10 od 12.04.2010. godine i uz službenu ispravu Prvu privremenu situaciju broj protokola 129. od 09.04.2010. godine **radi naplate** dostavio Ministarstvu obrazovanja, nauke, kulture i sporta USK-a, zatim ovjerio i potpisao

službenu ispravu – obrazac broj 2. sa brojem protokola 676/10 od 08.09.2010. godine i uz službenu ispravu Okončanu situaciju broj protokola 500/10 od 05.09.2010. godine **radi naplate** dostavio Ministarstvu obrazovanja, nauke, kulture i sporta USK-a i ovjerio i potpisao službenu ispravu – obrazac broj 2. sa brojem protokola 868/10 od 27.10.2010. godine i uz službenu ispravu Prvu privremenu situaciju broj protokola 1/10 broj protokola 584/2010 od 25.10.2010. godine, **radi naplate** dostavio Ministarstvu obrazovanja, nauke, kulture i sporta USK-a, pa su ovim međusobno povezanim protivpravnim radnjama, Mešić Hamdo, Nefić Amira i Fatkić Rifeta htjeli da se "GP-PLAN" d.o.o. Bihać, pribavi imovinska korist, jer je temeljem navedenih krivotvorenih dokumenata, sa trezora USK-a na štetu budžeta Unsko - sanskog kantona izvršena nezakonita isplata "GP-PLAN" d.o.o. Bihać u visini od 89.620,79 KM.

**Dakle, Mešić Hamdo** kao odgovorna osoba u privrednom društvu "GP-PLAN" d.o.o. Bihać kao organizator, udružio više osoba, da kao odgovorne osobe u institucijama koje predstavljaju čine krivično djelo Udruživanja radi činjenja krivičnih djela iz člana 340. stav 1. KZ F BiH, i koristeći službeni položaj, svojim potpisom i službenim pečatom, ovjerio službenu ispravu sa neistinitim sadržajem, u cilju da drugom pribavi korist koja prelazi 50.000,00 KM, **Nefić Amir** kao član organizirane grupe ljudi i odgovorna osoba u pravnoj osobi koristeći službeni položaj svojim potpisom i službenim pečatom, ovjerio službenu ispravu sa neistinitim sadržajem, u cilju da drugom pribavi korist koja prelazi 50.000,00 KM, a **Fatkić Rifet** kao član organizirane grupe ljudi i službena osoba u javnoj ustanovi, iskorištavajući službeni položaj svojim potpisom i službenim pečatom, ovjerio službenu ispravu sa neistinitim sadržajem, u cilju da drugom pribavi korist koja prelazi 50.000,00 KM, a **pravna osoba "GP-PLAN" d.o.o. Bihać** odgovorna za propuste koje su rukovodeći ili nadzorni organi pravne osobe propustili dužni nadzor nad zakonitošću rada njenog direktora.

### III. MEŠIĆ HAMDO, NEFIĆ AMIR i KOHNIĆ NAZIF

Na osnovu Ugovora i aneksa ugovora o izvođenju građevinskih radova na izgradnji fiskulturne dvorane JU Osnovna škola "Brekovica" u Bihaću zaključenih između investitora - JU Osnovna škola "Brekovica" Bihać koju je zastupao direktor Rifet Fatkić, te "GP-PLAN" d.o.o. Bihać kao izvođača radova, kojeg je zastupao Mešić Hamdo kao direktor, sa brojevima ugovora kao što su navedeni pod tačkom 1. Optužnice, i na osnovu Ugovora o nadzoru zaključenog sa "AQUA PROJEKT" d.o.o. Bihać kojeg je zastupao direktor Nefić Amir, u namjeri da privrednom društvu "GP-PLAN" d.o.o. Bihać pribavi imovinsku korist, Mešić Hamdo, Nefić Amir i Kohnić Nazif novoimenovani direktor JU Osnovna škola "Brekovica" (obavljao dužnost od 03.11.2011. do 22.05.2015. godine) znajući da izvođenje građevinskih radova mogu pristupiti samo na osnovu pribavljenog odobrenja za građenje suprotno članu 106. Zakona o prostornom uređenju i građenju, (*Sl. glasnik USK broj 10/11, 13/11 i 19/11*), bez dobivenog odobrenja nadležnog Općinskog organa u Bihaću, izvođač radova "GP-PLAN" d.o.o. Bihać je u 2011. godini nastavilo sa djelimičnim izvođenjem građevinskih radova i suprotno Ugovoru o izvođenju građevinskih radova i suprotno Glavnom projektu, Mešić Hamdo kao direktor "GP-PLAN" d.o.o. Bihać koristeći službeni položaj u cilju pribavljanje imovinske koristi "GP-PLAN" d.o.o. Bihać je sačinio službenu ispravu **Drugu privremenu situaciju 1/11 br. 584/2011 od 31.12.2011. godine**, prikazujući da su radovi izvršeni na objektu

sportske dvorane JU Osnovna škola "Brekovica" zaključno sa decembrom 2011. godine, unoseći u službenu ispravu neistinite podatke o izvršenim radovima u vidu izvedenih betonskih, zidarskih, vodoinstalaterskih, bravarskih i krovne konstrukcije, te bez osnova uvećao vrijednost izvedenih radova u iznosu od 15.435,90 KM i svojim potpisom i službenim pečatom **navedenu ispravu ovjerio**, a zatim svjestan funkcija koju je vršio Nefić Amir i Kohnić Nazif u to vrijeme kao novoizabrani direktor, dogovorio sa Nefić Amirom kao odgovornom osobom – direktorom "AQUA PROJEKT" d.o.o. Bihać i nadzornim organom nad izvođenjem radova na izgradnji sportske dvorane JU Osnovna škola "Brekovica" da ovjeri i potpiše ovu ispravu (Drugu privremenu situaciju 1/11 br. 584/2011 od 31.12.2011. godine), **iako je Nefić Amir bio svjestan i znao kao nadzorni organ**, da nije obezbjedio kvalitet radova i ugradnju proizvoda i opreme u skladu sa Glavnim projektom i u skladu sa ugovorom za izvođenje građevinskih radova, i da, betonsko – armirani, zidarski, izolaterski, monterski i bravarski radovi nisu izvedeni u skladu kako je prikazano u navedenoj službenoj ispravi, **pa je kao ovlašteni i imenovani nadzorni organ**, koristeći službeni položaj u cilju pribavljanja imovinske koristi za GP plan d.o.o. Bihać, Drugu privremenu situaciju 1/11 br. 584/2011 od 31.12.2011. godine, na građevinskom objektu sportske dvorane JU Osnovna škola "Brekovica", sa neistinitim podacima **ovjerio i potpisao**, a kojim radnjama Nefić Amir kao nadzorni organ, je omogućio da Mešić Hamdo kao odgovorna osoba "GP-PLAN" d.o.o. Bihać protivpravno postupa, a da upravna i nadzorna tijela privrednog društva "GP-PLAN" d.o.o. Bihać ne vrše nadzor nad zakonitošću rada u ovom privrednom društvu, pa su ovakvim protivpravnim radnjama, Mešić Hamdo i Nefić Amir dogovorili sa Kohnić Nazifom novoizabranim direktorom u JU Osnovna škola "Brekovica", da on korištenjem svog službenog položaja i ovlasti u funkciji direktora JU Osnovna škola "Brekovica", krivotvorenu ispravu, Drugu privremenu situaciju 1/11 br. 584/2011 od 31.12.2011. godine, **prihvati i preuzme**, pa Kohnić Nazif, iako svjestan da građevinski radovi po ovim krivotvorenim službenim ispravama, nisu izvedeni u obimu, sadržaju i strukturi kako je navedeno u ovoj službenoj ispravi, a posebno znajući da nisu izvedeni betonski, zidarski, monterski i bravarski radovi, te znajući i svjestan da su radovi bez osnova uvećani za 15.435,90 KM, i da neće biti izvršeni, zbog neizvršavanja posla i nepoštivanja rokova i načina kako su radovi izvedeni, koristeći službeni položaj ovjerio i potpisao službenu ispravu – Obrazac broj 2. broj protokola 1113 od 31.12.2011. godine i uz službenu ispravu Druga privremena situacija 1/11 br. 584/2011 od 31.12.2011. godine **radi naplate** dostavio Ministarstvu obrazovanja, nauke, kulture i sporta USK-a, pa su ovim međusobno povezanim protivpravnim radnjama, Mešić Hamde, Nefić Amira i Kohnić Nazifa htjeli da se "GP-PLAN" d.o.o. Bihać, pribavi imovinska korist, jer je temeljem navedenih krivotvorenih dokumenata, sa trezora USK-a na štetu budžeta Unsko - sanskog kantona izvršena nezakonita isplata "GP-PLAN" d.o.o. Bihać u visini od 15.435,90 KM.

**Dakle, Mešić Hamdo** kao odgovorna osoba u privrednom društvu "GP-PLAN" d.o.o. Bihać kao organizator, udružio više osoba, da kao odgovorne osobe u institucijama koje predstavljaju čine krivično djelo Udruživanja radi činjenja krivičnih djela iz člana 340. stav 1. KZ F BiH, i koristeći službeni položaj, svojim potpisom i službenim pečatom, ovjerio službenu ispravu sa neistinitim sadržajem, u cilju da drugom pribavi korist koja prelazi 10.000,00 KM, **Nefić Amir** kao član organizirane grupe ljudi i odgovorna osoba u pravnoj osobi koristeći službeni položaj svojim potpisom i službenim pečatom, ovjerio službenu ispravu sa neistinitim

sadržajem, u cilju da drugom pribavi korist koja prelazi 10.000,00 KM, a **Kohnić Nazif** kao član organizirane grupe ljudi i službena osoba u javnoj ustanovi, iskorištavajući službeni položaj svojim potpisom i službenim pečatom, ovjerio službenu ispravu sa neistinitim sadržajem, u cilju da drugom pribavi korist koja prelazi 10.000,00 KM, a **pravna osoba "GP-PLAN" d.o.o. Bihać** odgovorna za propuste koje su rukovodeći ili nadzorni organi pravne osobe propustili dužni nadzor nad zakonitošću rada njenog direktora.

#### **Čime bi počinili krivična djela:**

- **Mešić Hamdo** izvršio krivično djelo Udruživanje radi činjenja krivičnih djela iz člana 340. stav 1, produženo krivično djelo Zloupotreba položaja ili ovlaštenja iz člana 383. stav 3, a u vezi sa stavom 1 istog člana i produženo krivično djelo Krivotvorenje službene isprave iz člana 389. stav 1 i stav 2 Krivičnog zakona Federacije BiH, a u vezi sa članom 31. stav 1, članom 54 i članom 55. KZ FBiH;
- **Nefić Amir** izvršio krivično djelo Udruživanje radi činjenja krivičnih djela iz člana 340. stav 2, produženo krivično djelo Zloupotrebe položaja ili ovlaštenja iz člana 383. stav 3, a u vezi sa stavom 1 istog člana Krivičnog zakona Federacije BiH, i produženo krivično djelo Krivotvorenje službene isprave iz člana 389. stav 1 i stav 2 Krivičnog zakona Federacije BiH, a u vezi sa članom 31. stav 1, članom 54 i članom 55. KZ FBiH;
- **Fatkić Rifet** izvršio krivično djelo Udruživanje radi činjenja krivičnih djela iz člana 340. stav 2 krivično djelo Zloupotreba položaja ili ovlaštenja iz člana 383. stav 3, a u vezi sa stavom 1 istog člana i krivično djelo Krivotvorenja službene isprave iz člana 389. stav 1 i 2 Krivičnog zakona Federacije BiH a u vezi sa članom 31 i članom 54 istog zakona;
- **Kohnić Nazif** izvršio krivično djelo Udruživanje radi činjenja krivičnih djela iz člana 340. stav 2, krivično djelo Zloupotreba položaja ili ovlaštenja iz člana 383. stav 2 a u vezi sa stavom 1 i krivično djelo Krivotvorenja službene isprave iz člana 389. stav 1 i 2 Krivičnog zakona Federacije BiH a u vezi sa članom 31 i članom 54 istog zakona.
- Privredno društvo **"GP-PLAN" d.o.o. Bihać** sa sjedištem ul. Ivana Frane Jukića bb, Bihać, u smislu člana 128 stav (1) tačke d), a u vezi sa članom 129 stav (4) KZ FBiH odgovorno za krivična djela – osumnjičenog Hamde Mešića kao odgovorne osobe u "GP-Plan" d.o.o. Bihać.

#### **PRIJEDLOG dokaza koje treba izvesti**

## **REZULTATI ISTRAGE**

U skladu sa članom 78 KZ F BiH krivotvorene isprave koje su nastale počinjenjem krivičnih djela, oduzeti i to: **Prvu privremenu situaciju broj protokola 129 od 09.04.2010. godine i Prvu privremenu situaciju broj 1/10 br. 584/2010 od 25.10.2010. godine i Okončanu situaciju broj protokola 500/10 od 05.09.2010. godine, Drugu privremenu situaciju 1/11 br. 584/2011 od 31.12.2011. godine.**

**Dokazi koji potkrepljuju navode optužnice:**

**KANTONALNI TUŽILAC**